

圖書集成
醫部全錄
醫方類聚
卷之四

一
二
三
四

異
魚
圖
贊
補

胡世安撰

中
華
書
局

異魚圖贊補

此據函海本排印
初編各叢書僅有
此本

異魚圖贊補引

戊午之役。缺望禹門。自分泥蟠。畢此生矣。同社多挾策走長安。而余復負笈入山寺。章句滯餘。既所憎對。覓話老衲外。惟日披古函。散帙以喻適志耳。偶簡升菴先生異魚圖贊。不避疎淺。漫撫見聞。詮次如卷。已而老衲見之。戲謂曰。羨淵不如結網。獲鮮可以忘筌。余服膺其得。斲輪微旨。異日持青脊墨頭十數魚名。暨山海經所載珠蟹之類來訊。則又升菴先生所遺者。余因類搜其餘補之。維時陽萌寒谷。氣啓負冰。聊借筆墨。作濡响緣。以傲簡蟬曰。余將彈鋏衡泌。不欲自爾分飽神仙字也。稿成。命兒子輩較正魯魚。乃亦彷彿箋如左。凡三卷。又閤集一。

萬歷戊午長至日蒲亭胡世安識

異魚圖贊補卷上

鰻魚

鰻魚。背鰭。產淺海。滯。非鱗。非鱗。音皆混系。首屈身圓。骨軟肉細。大者號鰻。子味靡儼。

雨航雜錄。鰻魚似鯉。生淺海中。專食泥。身圓口小。骨軟肉細。似鰻而大者曰鰻。神仙傳。介象與吳王共論魚。以鰻爲上。取其益陰。○張九嶠頌。鰻青虬。驤元鱗。肥而癢。淫而滯。似烏則此黑魚。不嫌入淤而食泥。猶堪哺糟與啜醢。○養魚經。松之人于潮泥地鑿池。仲春潮水中。捕鰻盈寸者養之。秋而盈尺。腹背皆腴。爲池魚之最。是食泥與百藥無忌。其子味更佳。京口錄云。頭匾而骨軟。惟喜食泥。色緋黑故名。粵人訛爲子魚。閩志云。口赤而身圓。口小而鱗黑。至冬能牽被而自藏。○李時珍云。生東海。狀如青魚。長者尺餘。其子滿腹有黃脂。味美。鰻喜食之。吳越人以爲佳品。醃作鱖脂。○齊諧記。魏明帝見饅水白鰻。不可得。徐邈曰。鰻嗜鰻魚不死。乃刻畫板作鰻形。懸于岸。鰻競來。一時執得。○鰻魚出餘姚。子鱖魚出山陰。

青脊魚

青脊非鯽而有鯽名。身扁鱗白。腴美可鯖。清明改候。腦內發生。肉瘦味減。不中燂烹。

海味索隱。青鯽歌。採茅積得元鯽。顏如漆。味如腊。煮曰石。防中咽。啖蟠桃。吐崑核。比五葦。是雞肋。中間棄之。殊可惜。屠本峻云。青脊魚。身扁而鱗色俱白。以背上一條青脊得名。非青鯽魚也。其膏腴甚美。出秦化縣。士庶咸珍之。在俱魚之上。過清明時候。腦中生蟲名魚蝨。漸大而魚亦漸瘦。便不堪食矣。豈張將軍食此魚。正在生蝨時耶。但脊作鯽。土人故自訛耳。○漁書。黃魚狀似時魚而小。一名青鯽。寧波出者佳。鱗薄刺柔。海人尚之。

香魚

雁珍維五。香魚殿供。丰美拔萃。五斗曷庸。月增一寸。自春徂冬。

雨航雜錄。雁山五珍。謂龍湫茶。觀音竹。金星草。山樂官。香魚也。士人朱太守素無宦情。嘗曰。豈以五斗易五珍。香魚鱗細。不腥。春初生。月長一寸。至冬月長盈尺。則赴潮際生子。生已輒稿。惟雁山溪澗有之。他無有也。一名記月魚。

墨頭魚

墨鱸類。出以三月。魚火夜伺。其來勃率。好事相傳。墨濤攸泥。

墨頭魚。蜀嘉州出。形狀類鰱子。長者及尺。其頭黑如墨。頭上有白子二枚。又名二斗魚。常以二三月出。

漁人以火夜照叉之。惟郭璞臺前乃有世傳璞著書臺上。魚吞洗硯之墨所化。或名墨鱸。○方物略云。黑頭魚形若鱣。長者及尺。出嘉州。歲三月則至。惟郭璞臺前有之。里人欲怪其說。則言璞著書臺下魚吞其墨。故首黑。贊曰。黑首白腹。修體短額。春則羣泳。促罟斯獲。嘉州又有客朗魚。似鱣。肉嫩而美。不恆有也。

馬嘉魚

福之馬嘉。燕尾銀膚。春夏乳子。始與潮徂。知進昧退。見束羖羖。

癸辛雜識。姚銘效柳河東三戒。作三說。其一曰。福之馬嘉云。海有魚曰馬嘉。銀膚燕尾。大者視睟兒。櫛而火鱸之。可致遠。常淵潛不可捕。春夏乳子。則隨潮出沒而上。漁者用此時簾而取之。簾爲疏目。廣袤數十尋。兩舟引張之。縋以鐵下垂水底。魚過者必鑽觸求進。愈觸愈怒。則頰張鬣舒。鉤着其目。致不可脫。向使觸網而能退。則攸狀逝矣。知進而不退。用罹烹醢之酷。悲夫。

儵鮠

浮陽之魚名曰儵鮠。狀如柳葉。羣游發發。肱沙望洋。有恆莫豁。省枯魚書。徒增嗟咄。

笱子儵鮠音鮠常作者。浮陽之魚也。肱音同于沙而思水。則無逮矣。挂于患而欲謹。則無益矣。○本草名鱖魚。一名鯪魚。一名鮠魚。條其狀也。粲其色也。囚其性也。李時珍云。生江湖中。小魚長僅數寸。形狹而扁。

狀如柳葉，鱗細而整，潔白可愛，性好羣游，最宜鮮蔬。

鰾魚

鰾有三四，彷彿淞鱸，雖有繁名，與鰾類殊。

兩航雜錄：鰾魚狀似鱸而肉粗，三腮曰鰾，四腮曰茅鰾。樂請志所謂鰾魚是也。一曰茅狂。○林日瑞書云：鰾狀如石首而大，黑色多鱗，巨者鱗如海鏡，眼如碗，重數十斤，生深海中，可脯可醢，其膠絕堅。美，工師爲几案諸器物常用之。○篇海：鰾，鰾同，鰾即鰾也。此魚圓如盤，口在腹下，尾有毒，此似另種，互見黃魴箋。

杜父魚

溪澗小魚，爰有杜父，狀類吹沙，口闊喙鋸，脊脊雖整，渡父攸臚。

杜父魚一名渡父魚，一名黃魴音么魚，一名船釘魚。臨海志名伏念魚，古今注江東呼童子魚，爲土父是也。李時珍云：溪澗小魚，渡父所食，故名。見人則以喙插入泥中，如船釘也。陳藏器云：杜父魚生溪澗中，長二三寸，狀如吹沙而短，其尾歧，大頭闊口，其色黃黑有斑，脊上有鬚刺，螫人。

勒魚

東南海中，夏初謾謾，漁人設網，伺鱗次逐，狀刺如鱗，冰鮮是窩，甜瓜若生，骨帶尋熟。

本草此魚腹有硬刺勒人故名出東南海中以四月至魚人設網候之聽水中有聲則魚至矣有一次二次三次乃止狀如鱗魚小首細鱗腹下有硬刺如鱗刺頭上有骨合之如鶴喙形乾者謂之勒鯊吳人嗜之甜瓜生者用勒鯊骨插蒂上一夜便熟石首鯊骨亦然○養魚經鯽魚腹下之骨如鋸可勒出與石首同時海人以冰養之而鬻于諸郡謂之冰鮮

沉虎 潛鹿

惟海蠻師魚身虎首爰彼潛鹿亦斑龍偶變化無恆孰是樞紐

談乘沉虎虎頭魚也潛鹿鹿頭魚也互見前蛟箋○夢溪筆談嘉祐中海中漁人獲一物魚身而首如虎亦作虎文有兩短足在肩指爪皆虎長八九尺視人輒淚下昇至郡中數日方死有父老云昔年曾見又謂之海蠻師狀書傳小說未嘗載○臨海水土異物志鹿頭魚有兩角如鹿又雷州出虎鯨鹿鯨電白海中有鹿魚梅聖俞有鹿角魚詩海中魚角蟲蟲不擬龍乃擬鹿嶺表錄異鹿子魚頰色其尾巖皆有鹿斑赤黃色羅州圖經云州南海中有洲每春夏此魚跳出洲化而爲鹿曾有人拾得一魚頭已化鹿尾猶是魚南人云魚化爲鹿肉腥不甚食

黃魴魚

魚曰黃魴音煇身似柳葉頭尖無鱗末刺堪憎

酉陽雜俎。黃魮魚。色黃無鱗。頭尖。身似大槲葉。口在頷下。眼後有耳。竅通于腦。尾長一尺。末三刺甚毒。○雨航雜錄。魮魚。形圓似扇。無鱗。色紫黑。口在腹下。尾長于身如狸鼠。其最大曰鮫。其次曰錦魮。曰黃魮。曰斑魮。曰牛魮。曰虎魮。魮或作魮。文選所謂魮魚也。尾端有刺甚毒。大抵海魚。惟魮尤熱于諸魚。不可常餐。

油魚

河首石穴。油魚所裔。三寸而修。豈魮之儔。肥以中秋。炙食腴。

油魚。在雲南鄧川州南。上有珥池。又五里爲油魚穴。魚長僅二三寸。中秋則肥。孟冬則絕。○沮水記云。河首關有石穴。八九月產油魚甚肥。人謂水鹹則腴。油魚視魮魚更小。而肥美過之。炙則腴。

黃魮魚

黃魮小魚。身扁鱗白。闊不踰寸。長不近尺。可充鮓菹。宜于燂炙。黃姑黃骨。呼訛南北。

本草黃魮魚。生江湖中。小魚也。狀似白魚。而頭尾不昂。扁身細鱗。白色。闊不踰寸。長不近尺。可作鮓菹。煎炙甚美。按魚腸肥曰魮。此魚長腹多脂。魚人煉取黃油。然燈甚腥。南人訛呼黃姑魚。北人訛呼黃骨魚。

白魚

北勝陳海。白魚是育。江湖類生。太湖擅獨。鱖鮓殊稱。武舟戢穀。雄詮鮓名。崔豹有錄。

一統志。白魚。出雲南北勝州陳海。狀如鯉而色白。又淮水出白魚。和州出淮白魚。○避暑錄。太湖之白魚。冠天下。梅雨後十有五日入時。白魚最盛。謂之時裏白。○本草亦作鮓。一名鱖魚。白者色也。喬者。頭尾向上也。劉翰云。生江湖中。頭昂大者。長六七尺。李時珍云。鮓形容。腹扁鱗細。頭尾俱向上。肉有細刺。武王白魚入舟卽此。○古今注。白魚。雄者曰鮓子。好羣浮水上名白萍。

陽鱖

迎釣輒吞。陽鱖則爾。肉燥無味。質薄不美。譬彼冠蓋。前塵倒屣。賢結烹鮮。云胡不鄙。

說苑。宓子賤爲單父宰。過陽晝曰。子亦有以送僕乎。陽晝曰。夫投綸錯餌。迎而吸之者。陽鱖也。其爲魚博而肉厚。子賤曰。善。未至單父。冠蓋迎之者。交接于道。子張曰。車驅之。車驅之。夫陽晝之所謂陽鱖者。至矣。于是請耆老。尊賢者。而與之共治。

白鰱

魚之貴者。爰有白鰱。納池白露。遠時則脫。

養魚經曰。鰱乃魚之貴者。白露左右。始可納之池中。或前一月。或後一月。皆不育。漁人攜于舟。若煎炙。油氣觸之。則目瞎。京口錄云。巨首細鱗。池塘中多畜之。

鰻魚

魚饕類者。江湖有鰻。志訛石首。食療混鯨。其實三種。稍有異同。

李時珍云。鰻性啖魚。其目瞋視。故名異物。志作石首。非也。食療作鯨。鯨生江湖中。體圓厚而長。似鰻魚。而腹稍起。扁額長喙。口在頰下。細鱗。腹白。背微黃色。亦能噉魚。大者二三十斤。

魴魚

閩莆有魴。鮮食朵頤。剖腹子滿。元冬佳時。

王得臣塵史。魴魚。閩中鮮食最珍者。長七八寸。闊二三寸。剖之子滿腹。冬日正其佳時。莆田迎仙鎮。乃其出處。黃公度云。莆中佳產。惟子魚。紫菜。荔枝。蠣房也。○宋方勺泊宅編。興化軍子魚。惟通應大師廟前者最美。世稱通應子魚。而東坡詩通應子魚。猶帶骨。應作印。恐誤。○漁書。子魚似青魚而小。正二月間佳。此種海上多有之。惟鹹淡水之交。其品獨擅。又有青魴。白魴。大同小異。海人能辨之。臨安吳子魚一種。大則鰻魚也。生江中者。勝他產。類說。秦檜夫人嘗春日入宮。顯化太后言。近日子魚大者絕少。夫人曰。妾家有之。當以百尾進。歸告檜。咎其失言。乃謀之客。以青魚進。后撫掌大笑云。我道這婆子村果狀。

印魚

首載篆籀。注諸魚死。似青而修。備必先祀。勝鶚炙者。彼或疑此。

雜俎。印魚長一尺三寸。額上四方如印。有字。諸大魚應死者。先以印封之。○明黃鐵橋海語。印魚出南海中。似青魚而修廣過之。頭骨中折。如解顛之嬰。腦後垂皮。方經三寸許。若道巾之披餘狀。上有黑文。儼如篆籀。鳥夷間有獲者。必珍藏之。○述異記。城陽縣南有堯慶都墓。前一池。魚頭間有印文。謂之印鰓魚。若非祀者。捕而不得。○郭詳正詩。仙魚通印勝鶚炙。亦猶蘇之誤也。

井魚

井魚乃穴。噴水濺濺。經其噲吐。變海而泉。

雜俎。井魚。腦有穴。每翕水。輒于腦穴。蹙出如飛泉。散落海中。舟人競以空器貯之。海水鹹。若經魚腦穴出。反澹如泉水焉。成式見梵僧善提勝說。

毛魚

南潯洞穴。陰源下通。中有毛魚。與龍同宮。槃壺額豪。可貼屏風。

拾遺記。南潯之國。有洞穴陰源。其下通地脉。中有毛龍毛魚。同穴而處。○續博物志。海州有人持一束黑物。形如竹。箋云。海魚腮中毛。可作屏風貼。色似水牛角。頭似猪鬃。長二尺四寸。廣可一寸。

篋魚

喙有箴紋。字曰箴魚。形同鱸。殘疫疾用除。釣鉞所化。俗說堪啖。

本草作鱻。臨海志作銅吮魚。東山經枸狀山。泝水出焉。北注于湖。中多箴魚。狀如條。其喙如箴。食之無疫疾。○寰宇記。鱻魚生江湖中。大小形狀並同。鱸殘。但喙尖有一細黑骨如鉞。是異耳。俗云姜太公釣鉞所化。又名姜公魚。○志。吳江出針口魚。首載鉞芒。身長五六寸。土人多取充鱻。

鮎鮮魚

鮎鮮之魚。體莖中薄。溟澱所饒。市充瘡藥。

一統志。澱江府河陽縣。出鮎鮮魚。一名康郎魚。雲南諸府買作瘡藥。一作濊寶。注濊寶。空貌。今此魚亦乾而中空。

鰓魚

鰓魚無骨。臄臄如膏。徒哆厥口。不足以豪。

兩航雜錄。鰓魚身柔如膏。無骨。鱗細。口闊。齒多。一作鰓。海上人目人弱者。曰鰓。○海味索隱。鰓。鰓若無肌。柔若無骨。截之肪耶。盡之脂耶。乳沉雪山鉢底。酥凝玉門關外。露滴仙盤掌中。其卽若箇之化身也。耶。四明屠本峻云。水族風味。真上品也。一作風鰓。

半湯魚

半湯湖魚互入輒死亦如鰭鮠不入江水

一統志應天府東北有半湯湖水同一壑而冷熱相半熱可滌鷄中皆有魚魚交入輒死民引熱水溉田一歲兩熟○埤雅鰭鮠入江水輒死韓文公詩江魚不池活今魚生流水中則背鱗白而味美生止水中則背黑而味惡亦一驗曹植云鹹水之魚不游于江淡水之魚不入于海

風雨魚

海鵠風使白袋雨奴性同箕畢羽角形殊

兩航雜錄海鵠魚亦文鰭類也形似鵠有內翅能飛上石頭齒如石板出主風又有白袋魚似牛而白自海入江則兆水澤謠曰海鵠風伯使白袋雨師奴○釋名海鵠魚一名邵陽魚食鑑作少陽魚一名荷鰠魚一名鰭魚一名鮪魚一名蕃蹄魚一名石鰠陳藏器云生東海尾有大毒逢物以尾撥而食之其尾刺人三刺中之者死二刺者困一刺者可以救候人溺處刺釘之令人陰腫痛拔去乃愈海人被刺毒者以魚扃竹及海獺皮解之又有鼠尾魚地青魚並生南海俱有肉翅刺在尾中食肉去刺○李時珍云海鵠魚江湖一時有之狀如盤及荷葉大者圍七八尺無足無鱗背青腹白口在腹下日在額上尾長有卽蜃人最毒皮色肉味俱同鮎魚肉內皆骨節節聯比脆軟可食吳人措之魏武食制蕃踰魚大者如箕尾長數尺是已卽漳泉所謂鱸魚嶺表錄異雞子魚嘴形如鵠肉翅無鱗色類鮎魚尾

尖而長，有風濤卽乘風飛于海上。此亦海鰯類也。○南越記：天牛魚，方圓三丈，眼大如斗，口在脇下，露齒無唇，兩肉角如臂，兩翼長六尺，尾長五尺，或亦白袋類也。

海燕魚

魚有海燕，大小種殊，聲如牛者，矯然湖驅，以寸計者，陰雨翔區。

廣古今五行記：齊鹽官縣石浦，有海魚乘潮來去，長三十餘丈，黑色無鱗，其聲如牛，土人呼爲海燕。○本草：海燕出東海，大一寸，狀扁面圓，背上青黑，腹下白脆，似海鰾，有紋如簾，口在腹下，食細沙，口旁有五路正勾，卽其足也。臨海水土記：陽遂足生海中，色青黑，腹白，有五足，不知頭尾，生時體爽，死卽乾脆。正此異物志載燕魚，長五寸，陰雨則飛起，亦卽此。主治陰雨發損痛，亦入滋陽藥。

鬬魚

有魚矯悍，斑紋炫盼，習訓爭長，里兒競象。

宋張世南遊宦紀聞：三山溪中產小魚，斑紋赤黑相間，里中兒象之，角勝負爲博戲。昔有鬬禽，未見有鬬魚，亦可觀也。聞永嘉亦有之。○稗史：波師魚，俗名師婆魚，其大如指，鬚鬚具五采，兩腮有小點如黛，性矯悍，好與魚鬬。○五雜組：閩莆中喜鬬魚，其色爛熳喜鬬，纏繞終日，尾盡齧斷不解。此魚吾郡亦有之，俗名錢引魚，畜之盆中，諸魚無不受齧，人皆惡之，而莆人乃珍重如許，良可怪也。

毒魚

號師越龜及離頭溺人中厥毒亦孔之威。

北山經。饒山歷號之水出焉。東注于河。中有師魚。食之殺人。陳藏器云。魚師大者。有毒殺人。今無識者。但唐韻鱒老魚也。及北山經所云。其卽此與。○南越志。續尾魚有毒。一名龜名。西陽雜俎。傍海大魚。脊上有石十二。一名離頭溺。一名螃蟾。其溺甚毒。